

Marking Scheme
Strictly Confidential
(For Internal and Restricted use only)
Secondary School Examination, 2025
SUBJECT NAME BODO (Q.P. CODE 54)

General Instructions: -

1	You are aware that evaluation is the most important process in the actual and correct assessment of the candidates. A small mistake in evaluation may lead to serious problems which may affect the future of the candidates, education system and teaching profession. To avoid mistakes, it is requested that before starting evaluation, you must read and understand the spot evaluation guidelines carefully.
2	“Evaluation policy is a confidential policy as it is related to the confidentiality of the examinations conducted, Evaluation done and several other aspects. Its’ leakage to public in any manner could lead to derailment of the examination system and affect the life and future of millions of candidates. Sharing this policy/document to anyone, publishing in any magazine and printing in News Paper/Website etc may invite action under various rules of the Board and IPC.”
3	Evaluation is to be done as per instructions provided in the Marking Scheme. It should not be done according to one’s own interpretation or any other consideration. Marking Scheme should be strictly adhered to and religiously followed. However, while evaluating, answers which are based on latest information or knowledge and/or are innovative, they may be assessed for their correctness otherwise and due marks be awarded to them. In class-X, while evaluating two competency-based questions, please try to understand given answer and even if reply is not from marking scheme but correct competency is enumerated by the candidate, due marks should be awarded.
4	The Marking scheme carries only suggested value points for the answers These are in the nature of Guidelines only and do not constitute the complete answer. The students can have their own expression and if the expression is correct, the due marks should be awarded accordingly.
5	The Head-Examiner must go through the first five answer books evaluated by each evaluator on the first day, to ensure that evaluation has been carried out as per the instructions given in the Marking Scheme. If there is any variation, the same should be zero after deliberation and discussion. The remaining answer books meant for evaluation shall be given only after ensuring that there is no significant variation in the marking of individual evaluators.
6	Evaluators will mark(✓) wherever answer is correct. For wrong answer CROSS ‘X” be marked. Evaluators will not put right (✓) while evaluating which gives an impression that answer is correct and no marks are awarded. This is most common mistake which evaluators are committing.
7	If a question has parts, please award marks on the right-hand side for each part. Marks awarded for different parts of the question should then be totaled up and written in the left-hand margin and encircled. This may be followed strictly.
8	If a question does not have any parts, marks must be awarded in the left-hand margin and encircled. This may also be followed strictly.

9	If a student has attempted an extra question, answer of the question deserving more marks should be retained and the other answer scored out with a note “Extra Question” .
10	No marks to be deducted for the cumulative effect of an error. It should be penalized only once.
11	A full scale of marks _____ (example 0 to 80/70/60/50/40/30 marks as given in Question Paper) has to be used. Please do not hesitate to award full marks if the answer deserves it.
12	Every examiner has to necessarily do evaluation work for full working hours i.e., 8 hours every day and evaluate 20 answer books per day in main subjects and 25 answer books per day in other subjects (Details are given in Spot Guidelines). This is in view of the reduced syllabus and number of questions in question paper.
13	Ensure that you do not make the following common types of errors committed by the Examiner in the past:- • Leaving answer or part thereof unassessed in an answer book. • Giving more marks for an answer than assigned to it. • Wrong totaling of marks awarded on an answer. • Wrong transfer of marks from the inside pages of the answer book to the title page. • Wrong question wise totaling on the title page. • Wrong totaling of marks of the two columns on the title page. • Wrong grand total. • Marks in words and figures not tallying/not same. • Wrong transfer of marks from the answer book to online award list. • Answers marked as correct, but marks not awarded. (Ensure that the right tick mark is correctly and clearly indicated. It should merely be a line. Same is with the X for incorrect answer.) • Half or a part of answer marked correct and the rest as wrong, but no marks awarded.
14	While evaluating the answer books if the answer is found to be totally incorrect, it should be marked as cross (X) and awarded zero (0) Marks.
15	Any un assessed portion, non-carrying over of marks to the title page, or totaling error detected by the candidate shall damage the prestige of all the personnel engaged in the evaluation work as also of the Board. Hence, in order to uphold the prestige of all concerned, it is again reiterated that the instructions be followed meticulously and judiciously.
16	The Examiners should acquaint themselves with the guidelines given in the “Guidelines for spot Evaluation” before starting the actual evaluation.
17	Every Examiner shall also ensure that all the answers are evaluated, marks carried over to the title page, correctly totaled and written in figures and words.
18	The candidates are entitled to obtain photocopy of the Answer Book on request on payment of the prescribed processing fee. All Examiners/Additional Head Examiners/Head Examiners are once again reminded that they must ensure that evaluation is carried out strictly as per value points for each answer as given in the Marking Scheme.

**MARKING SCHEME
BODO**

PART-A**(Objective Type MCQ Paper)****सोंथि नं. 1.****5×1=5**

- | | | |
|-------|-------------------|---|
| (i) | फिन: (A) थाइजा | 1 |
| (ii) | फिन: (C) जाजोब | 1 |
| (iii) | फिन: (D) दौदिनि | 1 |
| (iv) | फिन: (B) सिखाव | 1 |
| (v) | फिन: (B) मावलिनाय | 1 |

सोंथि नं. 2.**10×1=10**

- | | | |
|--------|------------------------------|---|
| (i) | फिन: (A) नेरसोनथियारि खन्थाइ | 1 |
| (ii) | फिन: (B) दैसानि मुं | 1 |
| (iii) | फिन: (A) जिउनि अलंबार | 1 |
| (iv) | फिन: (C) खन्थाइगिरिया गावनो | 1 |
| (v) | फिन: (A) फैसालियाव | 1 |
| (vi) | फिन: (D) ध्वजेन्द्र ब्रह्म | 1 |
| (vii) | फिन: (B) जिरि जिरि दैसा | 1 |
| (viii) | फिन: (B) बोहैथि | 1 |

- (ix) फिन: (D) रिल, जेराव सावगारिफोर हाबनानै थायो 1
- (x) फिन: (A) जिउनि अलंबार 1

सोंथि नं. 3.

10×1=10

- (i) फिन: (D) म'हिनी म'हन ब्रह्म 1
- (ii) फिन: (B) Coca Cola 1
- (iii) फिन: (C) ड⁰ प्रणयी दत्त 1
- (iv) फिन: (D) गथ' जोनोम जानायाव खननाय खुगा मेथाइ 1
- (v) फिन: (B) 1971 मायथाइनि 11 आगष्टखालि 1
- (vi) फिन: (A) महिचन्द्र मिरि 1
- (vii) फिन: (B) संसार मुलुगनि सोरजिगिरि 1
- (viii) फिन: (B) बुहुम 1
- (ix) फिन: (A) बांबुलि 1
- (x) फिन: (C) 1935 मायथाइयाव 1

SECTION B
(Descriptive Type Pen Paper Test)

सोंथि नं. 4.

5×2=10

- (i) फिन:
 'सारिनित्य क्रिया'या गांसे ब्रह्म धोरोमजों सोमोन्दो गोनां मख'
 जाथाव बिजाब । स्वामि शिवनारायण परमहंसआ ब्रह्म धोरोमनि
 सोमोन्दै होनाय बिबुंथिफोरखौ म'हिनी म'हन सट्टप'ध्याया
 'सारिनित्य क्रिया' मुं होनानै सुजुना दिहुनदोंमोन । 2

- (ii) फिन:

बाथ्रा लानजाइया खुगा रावनि मोनसे एंगारनो हायि बाहागो ।
बेजों खेंसालियायै सोंथि सोंनाय जायो । बेखौ बर'फोरा दोरोडारि
समाजाव हाबा-खेराइ रंजानायाव मानसिनि गियान बुद्धिनि जखा
सुनो बाहायो । जेरै- 'न सिडाव न थायो, बेनिनो सिडाव आं थैयो'
बेनि फिननाया मा ? बेनि फिननायखौ हां खनसेयैनो होनो हायो
बर'फोरा । बेनो जादों मुस्त्रि ।

2

(iii) फिन:

टमास आलभा एडिचना इलेक्ट्रनिक बाल्ब दिहुननायाव गले गले
फेलें जानानै बुंदोंमोन ओरै- “आं फेलें जायाखै । आं बुजिबाय दि
बेयो जि रोजा (10,000) रोखोमै खामानि मावा ।”

2

(iv) फिन:

‘बिबार खानाय’ खन्थाइयाव खन्थाइगिरि रुपनाथ ब्रह्मआ बुंदों दि
सम थानायावनो बिबारफोरखौ खानो रोडाब्ला बिबारफोरा
सोनाबनि गेब्राब बारजों ज्रय सिरिलांगोन । बेखायनो दैसारी,
लाइसारी, मनसारीमोनखौ सम थानायावनो बिबार खानो थिनदों
। थामहिनबा खेंसालियायै बेजों बेखौसो फोरमायनो नाजादों दि
सम थानायावनो लेखा सोलोंना लानो रोडाब्ला बैसो राबोला
जाम्बा जाना थानांगोन ।

2

(v) फिन:

आंनि गामि खन्थाइनि खन्थाइगिरिया उन्दै समखौ गावनि गामि
भबानिपुरियाव बाहरहोदों । बियो नांगोल भाडा मुंनि दैमानि
बोरियाव रंजा-बाजा गेलेयोमोन, बिमा, बिफा, बिदा-बिनानाव
बयजोंबो खौसे जालायना थायोमोन । बियो लोगोफोरजों दुबुलि,
बिफां साया, दख'था, फुजा-फोरबो, हाबा-हुखा बायदि
खुंथाइफोराव बाहागो लानानै जोबोर रंजायोमोन ।

2

सोंथि नं. 5.

7×5=35

(i) फिन:

‘जिउनि अलंबार’ खन्थाइनि खन्थाइगिरिया सुरथ नार्जारी । बेयाव
खन्थाइगिरिया इसोर एबा अबंलाउरिखौनो खन्थाइनि बिथा महरै
लादों । सुबुं जिउनि गोब्राब जेंना-जेंसिखौ सहायनो हायिनि
खन्थाइगिरिया सोरजिगिरि अबंलाउरिजों गोरोबसे जानो लुबैदों । 5
बेखौनो खन्थाइयाव ओरै फोरमायदों- (फिननाय

बे आंनि थेर बेथेर जालांनाय जिउखौ

बे आंनि लाथिख जालांनाय जिउखौ

गोदानै सुजुनो होननानै

आबुं खालामनो होननानै

नोंखौनो अनसायदों आफा

नोंखौनो हास्थायदों ।

खौ 150-
200
सोदोबनि
गेजेराव

नाथाय इसोरखौ मोननो हास्थायनाय एबा बिजों गोरोबसे जानो
लुबैनाया गोरलै नडा । संसारनि लुबैनाय-हास्थायनायफोरखौ ज्राब
गारनानै इसोरनि सेराव गावखौ बाउसोमनो हानांगोन । नाथाय
खन्थाइगिरिया गावनो समाय लादोंमोन दि गाव इसोरखौ मोननो
जा मावनांगौ बेफोरखौ गासैखौबो मावजोबसिगोन । नाथाय
नुबाय बियो गाव साननाय बादि मावनो हायाखै थामहिनबा
संसार जिउनि गांनाय-लुबैनायफोरखौ गारनो हायाखै ।

बेखौनो खन्थाइयाव ओरै बुंदों-

आंबो सिमान जायो आफा

नोंखौ मोजां मोनो होननानै

समाय लानाया

दाबोनो जाफुं जोबाखै,

आंनि बेरेखा फावआ

गोसोनिफ्राय दाबोनो बारनलाडाखै ।

अब्लाबो खन्थाइगिरिया इसोरखौ मोननो हास्थायनायखौ
नागाराखै । बियो इसोरखौ मोननो, बिजों गोरोबसे जानो
लुबैनायखौ बावगाराखै । बेखौनो खन्थाइनि जोबथारनायाव
ओरै फोरमायदों-

थेवबो बे दुखुथिया जिउआ
जेनिबो गेजेन गोसोनि गेजेरजों
नोंनि अननाय लुबैयो गसाइ
नोंनिनो अननाय लुबैयो....

बे गासै बिथिंफोरखौ नोजोर होब्ला नुनो मोनो दि बेयो दोंसे रहस्य
सान्थौ बेरखांनाय खन्थाइ । बेयाव इसोरजों गोरोबसे जानो
लुबैनाय, बिखौ मोननो हास्थायनाय, इसोरजों एरा एरा
खालामजानानैब्लाबो बिखौनो मोननो हास्थायनाय बायदिफोरानो
बे खन्थाइयाव जायगा मोनदों । बे गासैखौबो नोजोर होनानै बेखौ
दोंसे जाफुंसार रहस्य खन्थाइ महरै गनायनो हायो ।

(ii) फिन:

मावामारि गामिया दरसे उन गोग्लैसोना थानाय फिसा गामि ।
भारत उदांसि मोननायनि बाजिब्रै बोसोर उनावबो बे
गामियाव गंसे गुदि फरायसालियानो गैयामोन । लामा, दालां
जेनिबो मोजां राहा गैयामोन । बे बादि समावनो बे गामिनि
गावबुरा थेमबायरामा गावसोरनि गामियाव मनथ्रि फैगोननि
टेलिग्रामखौ मोननानै जोबोर गोजोननाय मोनदों । बेखायनो
मनथ्रि फैगोननि रादाबखौ गामियाव मिथिं लेंनानै
सावरायदोंमोन । थेमबायरामजों लोगोसे गामिनि थों-गोथों
जाम्बा-जला सोलोंथाइ गैयि मानसिफोरा रंजानायसै । बिसोर
गावसोरनि गामियाव गुदि फरायसालि गायसनफैगोनखौ
खोनानानै बांसिन गोजोननाय मोनदोंमोन । बेखायनो बिसोर
मनथ्रि साहाबखौ जेरैखि हायो गोसो खुसि खालामनो थांखि

5
(फिननाय
खौ 150-
200
सोदोबनि
गेजेराव

लादोंमोन । गामिनि साफ्रोमबो सेंग्रा-सिख्ला, बोराइ-बेनथ',
 गथ'-गथाइ गासैबो गावबा गावनि खामानि रानना होनाय
 जादोंमोन आरो थेमबायरामानो गासैबो हाबाफारिखौ
 सामलायदोंमोन ।

सल'वाव सल'गिरिया थेमबायरामनि नखराव नुजानाय जेंनाखौं
 गोरत्रों नोजोर होनायखौ नुनो मोनो । गामिनि मानसिफोरजों
 लोगोसेनो थेमबायरामनि बिसि थुनथ्रि, फिसाजो बांबुलि, रुवाथि
 खावब्लिद बयबो मनथ्रिखौ नायनो, बरायनो हांखुर जानायखौ
 नुनो मोनो । गामिनि मानसिफोरा न गारनानै मनथ्रि नायनो
 ओंखारलादोंमोन । थेमबायरामनि नखरावबो न नेनो रावबो
 गैयामोन। बियो गोनों-गोथोआव गोग्लैदोंमोन । न नेनो रावखौबो
 मोनाखैमोन । नखराव सिखाव हाबजानो गिनानै बियो
 दरजाफोरखौ थाला मारिलांनो नागिरदोंमोनब्लाबो डि.एस.पि.
 साहाबजों थांफानो गोनां जानायलाय थाला मारिलांनो
 बावगारलाडो ।

बाथ्रा होनाय बादियैनो मनथ्रि थुबब्लाव दैमारिया फुंनि गु
 बाजियावनो मावामारि गामि मोनफैयो। नायै-बेदरै दाखां लोंखां
 थंसेल' दंफांनि खुन्थिया गायनानै गावनि बेसेनगोसा बिबुंथि
 होनानै गावनि हाबाफारिखौ फोजोबना ब्लद ओंखारलाडो बियो ।
 गामिनि मानसिफोरा सानदोंमोन मनथ्रिया मेलावनो फरायसालि
 गायसननायनि रांनि मन्जुरिखौ होलांगोन । नाथाय
 राजखान्थियादि साननायनि उल्थासो जायो । थेमबायरामा मेल
 जोबखांना नवाव फैना नुफैबाय बिसि, फिसा बयबो हांमा सुरहाब
 सुरहाब गाबबाय थादों । उनाव गाव नायफैबा नुबाय सिखावा
 बाकसु, आलमारि देखावनानै जि-जोम, सना-रुफा, थोरसि-लथा
 गासैखौबो लांजोबबाय ।

बे सल'नि गेजेरजों सल'गिरिया बेखौनो दिन्थिनो नाजादों दि
 मनथ्रिफोरा गावबा

गावनि स्वार्थनि थाखाय खामानि मावो आरो गामिनि जाम्बा-
जला मानसिफोरा बिसोरनि बोलि जायो । मावामारि गामिनि
गुबुन मानसिफोरजों लोगोसेनो थेमबायराम गावबुरामोनबादि
मानसिफोरनि गोसोआव सुखुनि सोलाय बांसिन दुखु
होलांनायखौसो नुनो मोनो ।

(iii) फिन:

तिवाफोरा आसामनि मोनसे मख' जाथाव सुबुं हारि ।
बिसोरखौ लालुं मुडैबो मिथिनाय जायो । बिसोरखौ गाहाइयै
आसामनि नगाव, मरिगाव, कामरुप, कार्बिआलं, जरहाट,
धेमाजी, लक्ष्मीपुर शदिया आरो मेघालय रायजोनि माखासे
जायगायाव गोसारना थानायखौ नुनो मोनो । तिवाफोरा
हारिमुवारि थिलियाव जोबोरैनो दोहोनि । अनलायनाय,
मोजां मोनलायनाय आरो बिदा-फंबाय सानस्रिनि मोननो
गैयि नेरसोन जनबिल मेलायानो बेनि मोनसे गोरब्रों नेरसोन ।
बे मेलाया रांखान्थि गिबि समनि मानसिफोरनि सोलाय-
सोल' मुगानि गोरब्रों दलिल । तिवाफोरखौ हाजोआरि आरो
हायेनारि बे मोननै बाहागोआव राननो हायो । हाजोआरि
तिवा आरो हायेनारि तिवाफोरनि दोरोडारि रंजाथाइ
फोरबोफोराबो आलादा आलादा जायो । हाजोआरि
तिवाफोरनि रंजाथाइ फोरबोफोरा जादों वानसुवा, छग्रा,
यांली, मुइनारी कान्थि, लांखन, माइ पथाला, माइ रावा,
खापलां रावाने फुजा, पान्थाइच्यावा बायदि बायदि । गुबुन
फारसेथिं हायेननि तिवाफोरनि फोरबोफोरा जादों- जनबिल
मेला, बरत, गसाइ दिहुननाय मेला, बैसागु, मागो आरो खाथि
गासा । बे दोरोडारि फोरबोफोरखौ खुंनायाव माखासे
हारिमुवारि दिन्थिफुंनाय थामहिनबा मोसानाय, मेथाइ
खननाय जायो । बेयाव गुबुन गुबुन रोखोमनि दामनाय-देनाय
दामजुफोर बाहायो। बेफोरनि गेजेराव रत्राम (ढल) बार,

5

(फिननाय
खौ 150-
200
सोदोबनि
गेजेराव
लिरनांगो

रत्राम खुजुरा, वाफां रत्राम, थकथररक, पांशी, थरां, मैसोनि
गंजों बानायनाय फेमफा, मुहुरि आरो खावां बायदि
दामजुफोर बाहायनायखौ नुनो मोनो ।

(iv) फिन:

सा-सानजा भारतनि मोनसे मख'जाथाव सुबुंहारिया जादों
बर' । बे सुबुंहारिया राव फोलेरारि बिथिंनिफ्राय चिन-
तिबेतान राव फोलेरनि आरो सुबं फोलेरनि बिथिंनिफ्राय
बिसोर मंगलयड सुबुं फोलेरनि । बिसोर गाहाइयै आसामनि
बुर्लुबुथुर दैमानि सा सोरफाडाव गोसारनानै दंब्लाबो
आसामनि गंफ्रोमबो जिलायावनो बर'फोरखौ मोननो हायो।
बर'फोरा राव थुनलाइ सिबिनायाव गोबावै आगान होनायखौ
नुनो मोननाय

जायो । बर' रावखौ सोलोंथाइनि बिजों मह्रै 1963
मयथाइयाव जागायदोंमोन आरो 1968 मायथाइयाव गोजौ
थाखोआव सोसनजायो । बेनि अनगायैबो 1977 मायथाइयाव
गुवाहाटी मुलुगसोलोंसालिया गोदान भारतारि राव (MIL)
मह्रै थिसनो । 1984 मायथाइनिफ्राय बर' रावखौ आसामनि
रायजोआरि राव मह्रै गनायथि होनाय जायो । 2003
मायथाइयाव भारत सरकार, आसाम सरकार आरो बर'
लिबारेसन टाइगारजों जानाय बि.टि.सि. रादाय बादियै बर'
रावा संबिजिरनि दाइनथि फारियाव जायगा मोनो । बेनि
उनावनो बर' रावा जौगानो गोबां खाबु मोनो । 2005
मायथाइनि 17 अक्टबराव बर' रावा भारतनि जौसिन उदां
थुनलाइ फसंथान 'साहित्य अकाडेमी' निफ्राय गनायथि मोनो
आरो 2005 मायथाइनि 3 डिसेम्बराव केन्द्रीय लक' सेवा
आयगा बर' रावखौ मोनसे आयदा राव मह्रै सोसनना लायो ।
आथिखालाव बर' रावा गुवाहाटी, बड'लेण्ड, डिब्रुगड आरो
कटन मुलुगसोलोंसालिनि मोनसे आबुं बिफान मह्रै जायगा

5
(फिननाय
खौ 150-
200
सोदोबनि
गेजेराव

आवग्रिना दं । बेनि अनगायैबो बर' थुनलाइ आफादा 1952
मायथाइनि 16 नबेम्बराव गायसनजेननायनिफ्राय राव,
थुनलाइ, हारिमु जौगानायनि बिथिङाव गोबां खामानि
मावबोबाय थानायखौ नुनो मोनो ।

(v) फिन:

बर' रावाव मोनथाम राहाजों जोला आथोननिफ्राय जो
आथोनसिम आथोन सोलायनाय⁵
जायो । बेफोरखौ गाहायाव सावरायनाय जाबाय- (फिननाय
खौ 150-
(क) गुबुन गुबुन उदां सोदोब बाहायनानै 200
(ख) मंमानि सिगां एबा उनाव जो-जोला फोरमायग्रा गुबुन सोदोबनि
सोदोब फजनानै गेजेराव
(ग) उन दाजाबदा फजनानै

(क) ~~गुबुन गुबुन उदां सोदोब बाहायनानै :~~

बर' रावाव जोला आरो जो आथोन फोरमायनो गुबुन गुबुन उदां
सोदोब बाहायनाय जायो। जेरै-

जोला आथोन

जो आथोन

आदा

बाजै

आबौ

आबै

हौवा

हिन्जाव

दाहोना

रुवाथि

(ख) मंमानि सिगां एबा उनाव जो-जोला फोरमायग्रा गुबुन गुबुन
सोदोब फजनानै :

बर' रावाव मानसि-दुमसि, जिब-जुनाद, दाउमा-दाउसानि थाखाय
आलादा आलादा जो-जोला दिन्थिग्रा सोदोब बाहायनाय जायो।
जेरै-मानसिनि थाखाय हौवा-हिन्जाव, जो-जोला,

जिब-जुनारनि थाखाय बांग्रा-बांग्रि, फान्था-फान्थि, बुन्दा-बुन्दि
 आरो दाउमा-दाउसानि थाखाय
 जो-जोला बायदि बायदि। जेरै-

जोला आथोन

हौवा मानसि
 फिसाजोला/फिसाज्ला
 सैमा बांग्रा
 बोरमा फान्था
 अमा बुन्दा
 दाउजोला/दाउज्ला
 जोला हांसो

जो आथोन

हिन्जाव मानसि
 फिसाजो
 सैमा बांग्रि
 बोरमा फान्थि
 अमा बुन्दि
 दाउजो
 जो हांसो

(ग) उन दाजाबदा फजनानै :

बर' रावाव जोला आथोन दिन्थिग्रा सोदोबनि उनाव उन दाजाबदा
 दाजाबनानै जो आथोन खालामनाय जायो । बे उन दाजाबदाफोरा
 जादों- (-इ, -उ, -ए)। गाहायाव बेफोरखौ बिदिन्थिनि गेजेरजों
 फोरमायनो नाजानाय जाबाय। जेरै-

जोला आथोन

-इ : खाना
 बेंगा
 लेंग्रा
 -उ : हायथा
 गायथा
 -ए : नाब्ला
 हंला

जो आथोन

खानि
 बेंगि
 लेंग्री
 हायथु
 गायथु
 नाब्ले
 हंले

बर' रावाव गोजौवाव सावरायनाय बे मोनथाम खान्थिजोंनो जोला आथोननिफ्राय जो आथोनसिम आथोन सोलायनाय जायो ।

(vi) फिन:

रौटायाव ट्राक आरो बासजों सौग्रावलायनायाव साब्रै सुबुंनि जिउ खहा

स्ताफ रिपटारि, अदालगुरि, 20 अक्टूबर, 2024: अदालगुरि जिलानि रौटा सारियालियाव मैया बेलासि 4.30 रिंगायाव मोखांजों मोखां ट्राक आरो बासनि गेजेराव जानाय सौग्रावलायनायाव साब्रै सुबुंनि जिउ खहा जानायजों लोगोसेनो साजिनिरवुइबो बांसिन सुबुङा गाज्रियै जोखोम जायो । जिउ खहा जानाय सुबुंफोरनि गेजेराव साथाम हिन्जाव सुबुं रंगिना ब्रह्म (42), माइस्तरि ब्रह्म (39), सयनिका नार्जारि (23) आरो सासे हौवासा रुबुदां ब्रह्म (4) दं । सुलाद मोननाय बादिब्ला साब्रैबो सुबुङा रौटा लाइलांफारा गामिनि । गाज्रियै जोखोम जानाय सुबुंफोरखौ अदालगुरि सिभिल देहाफाहामसालियाव लांनाय जायो आरो बेनिनो सानै सुबुंखौ गुवाहाटी मेडिकेल हस्पिटालसिम दैथायहरनाय जायो । जाब्रबथाइया ट्राकनि ब्रेक फेइल जानायनि थाखाय जादों होननानै सुलुंनिफ्राय मिथिनो मोननाय जादों। रौटा पुलिसा बेनि सायाव गोरब्रों सुलाद लादों आरो ओनसोलारि सुबुंफोरनि गेजेराव लामा सांग्रांथि लाबोनायनि बिबान लायो ।

1+2+2
(रादाबनि
खरसा
मुं,
लिरनाय
आदब
आरो

(vii) फिन:

खालार 02-07-2024, मंगलबार ।

सासे फरायसानि थाखाय गोलोम बोथोरनि बन्दवा थारैनो जोबोर गोजोनथावना । गोलोम बोथोरनि बन्दवा जुलाइ दाननि 1 निफ्राय 31 खालारसिम जायो । बे दानसेनि

गोलाव समफारियाव आं सानबानि हाबाफारिजों आइ-
 आफामोनजों आसामनि गोजाम जारिमिनारि जायगा
 सिबसागराव बेरायहैदोंमोन । अदालगुरिनिफ्राय गुवाहाटि
 आरो गुवाहाटिनिफ्राय सिबसागरसिम हरनि बास । हरनि 8
 रिंगायाव बास गाखोनानै अखानायै साननि 12 रिंगायाव
 सिबसागर मोनहैयो । सिगाडावनो थि खालामखानाय
 हटेलाव 12:45 रिंगायाव सहैदोंमोन । दसे जिरायनानै
 बेलासियाव बेरायनो होननानै ओखारलांदोंमोन । बेखालि
 जों सिबसागर टाउनखौनो नायखाना फैनाय बादि जादोंमोन
 । बायजोआवनो जाखां-लोंखां फैनानै मेंनायजों थाब हटेलाव
 जिरायफैदोंमोन । अखानायै फुडावनो जों जयदौल,
 सिबदौल, जयसागर, सिबसाग, रंघर, कारेंघर, तलातलघर,
 बायदिफोरखौ नायनो ओंखारलांदोंमोन । थारैनो जोबोर
 सोमोनांथाव, राजा रुद्रसिंह, सिबसिंहनि खुंथाइ समाव
 लुलांनाय जयदौल, सिबदौलफोरखौ नुनानै थारैनो
 राजखुंथाइनि मोनसे मोदोमनायखौ जों मोनदांदोंमोन ।
 सोमोनांथाव दि जयदौलनि सेराव जयसागर आरो
 सिबदौलनि सोराव सिबसागर मुंनि गेदेर गेदेर गंनै बिलो दं ।
 बायदि रोखोमनि हांसो, हांसो सिलारि आरो गुबुन हादरनि
 दाउफोरजों बुंफाबना थानाय बे जायगाफोरा थारैनो
 मानसिनि गोसोखौ रंजाहोनो
 हायो । तलातल घरनि खोथायानो आलादाखा । बेयो आहम
 सानथ्रिफोरनि साउनिमोन, रंघराव गाखोनानै आहम
 राजाफोरा मैसो सौलायनाय, दाउज्ला सौलायनाय बायदि
 खेलाफोरखौ नायदोंमोन । थारैनो सिबसागर
 दावबायनायनिफ्राय राजा-महाराजानि बै समनि गासै
 बिथिंफोरखौनो जों जोंनि गोसो सानबोलावरियाव दसेनि
 थाखायब्लाबो खनखांनानै लानो हायो, जों बेनि
 बाहागोदारि जानो हायो ।

1+1+3
 (सानरेब
 लिरनाय
 नि आदब,
 आयदानि
 बाश्रा
 आरो

बेखौनो आं आंनि रोंगौथिनिफ्राय बुंनो सानो दावबायनाया मानसिखौ गोबां रोखोमनि गियान, रोंमोनथाइजों लोगोसेनो गोबां रंजाहोयो । बे जायगा बेरायनाया मानसिफोरनि गेजेराव खौसेथिबो लाबोनो हायो । बेखायनो सम आरो खाबुखौ सिगाडाव लानानै बयबो दावबायहैनायनि बिथांखि लानांगौ । बेयो थारैनो नोंथामोननि जिउवावबो मोनसे दाजाबथाइयारि गोहोम खोख्लैगोन । गोलोम बोथोरनि बन्दवाव आंखौ थाबायनो लांनायनि थाखाय आइ-आफामोनखौ गोरबोनिफ्राय साबायखर होयो आरो मिजिंथियो उननि समफोरावबो बे बादिनो गुबुन गुबुन जायगा दावबायनो खाबु मोनगोन ।

सोंथि नं. 6. फिनः

बैसागुवा बर'फोरनि मोनसे बयनिरव्रुइ देरसिन बोथोरारि रंजाथाइ फोरबो । बेखो आथिखालाव सानस्त्रि खुंनाय जायो । सैथो दाननि जोबथा सानखालि जागायो आरो बैसाग दाननि सानदहालागै गाजा गोमजायै सोलियो । बे बैसाग रंजानायजों नांफादेरना दं बैसागु मेथाइ आरो मोसोनायफोरा । गामियारि बर' समाजाव बैसागु मोसानाय, मेथाइ खननानै रंजानाय नुनो मोनो । बे मेथाइफोराव सेंग्रा सिख्ला मोजां मोनलायनाय, जंखायलायनाय, जुलि लानायनि इंगिट होनायफोरखौ नुनो मोनो । नाथाय मख'जाथाव दि बे बैसागु मोसानायफोरनि अनगायैबो बागुरुम्बा, बारदै सिख्ला बायदि गोसोबोथावनो हानाय मोसानायफोरखौ स्टेजाव मोसानायफोरखौ नुनो मोनो । थामहिनबा जों बुंनो हायो दि बैसागु मोसानाया गोदानथिनि गोहोमाव न-न, गामि-गामि, सिथ्ला-सिथ्ला मोसानायनि अनगायैबो आथिखालाव बेयो सायनासालि गोखोहैनो हानायखौ नुनो मोननाय जायो । गामि गामि थांनानै बोराइ-

5

(बाथ्रा खलबाव बेरखांनाय सानस्त्रिखौ गावनि रावजों 150-200 सोदोबनि गेजेराव बेखेव ।)

बुरै, सेंग्रा-सिख्ला मोसायै मोसायै मागिनाया जथाइ आरो
 खौसे जानानै राइजो खुंनायनि गोगो नेरसोन । बैसागु
 रंजानायनि अनगायैबो बर'फोरा गुबुन गुबुन
 फोरबोफोरखौबो खुंनाय नुनो
 मोनो । बेफोरनि गेजेराव मागो दमासि, कातिगासा, फुस्लि
 हाबा, मह' होनाय बाइदिफोरानो मख'जाथाव ।
 बेखिनियावनो मोनसे खोथा रायखांनांगोन दि फुस्लि हाबा
 आरो मह'होनायखौ गोदोनि दरं आरो कामरुपावल' नुनो
 मोननाय जायो । बे मोनफ्रोमबो खुंथाइफोरखौ धोरोमारि
 आसारखान्थिजों दोल गोनाडै खुंनाय जायो ।

सोंथि नं. 7. फिन:

'आगर' जाय सोदोबा समायनानि नोरसेन, जाय मोनसे
 हारिनि सिनायथि, जाय मोनसे हारिमु, सोदोमस्रिनि
 सिनायथि । बे आगरा सानसेयावनो उजिनाय नडा ।
 आथालनि उनाव आथाल बर आइजोफोरनि मोनदांथिनि
 नोरसोन बेफोर । बरफोरा मिथिंगानि थासारियाव थानो
 मोजां मोननाय मोनसे हारि । हाजो-हाला, हाग्रा बंग्रा सेर
 सेर बिसोर थानो मोजां मोनो । बेयावनो जिउ खुंनो मोजां
 मोनग्रा बर'फोरा मिथिंगानि सायावनो बिथा खालामनानै
 राइजो जाबोदों । बर हौवाफोरा ज ज मैहुराव थाडो,
 आइजोफोरा मैगं-मैला खानो थाडो । बेयावनो बिसोर
 मिथिंगानि समायना महाराव बोदोर जाना, देबोर नांना फैयो
 । बिसोर दिंखिया खानो थांनानै दिंखियानि समायना
 महाराव बोदोर जायो आरो गावसोरनि हियाव समायनायै
 एरना लायो । थि बे बादिनो गोजाननिफ्राय नुहरनाय हाजो
 लारिखौ नुनानै बिसोर हाजो आगरखौ गावसोरनि जियाव
 एरखांना लायो । बिलो, दैमा-दैसायाव बारनाय थब्ल'
 बिबार, फामि बिबारफोरखौबो गावसोरनि जि-जोमाव

5

(बाथ्रा
 खलबाव
 बेरखांनाय
 सानस्रिखौ
 गावनि
 रावजों
 150-200
 सोदोबनि
 गेजेराव
 बेखेव ।)

समायनायै एरखांना लायो । हाजो-हाला, हाग्रा बंग्रा,
दैमा-दैसानि समायना महरखौल' नडा बबेखानि जिब-
जुनार, दाउमा-दाउसा,
एम्फौ-एनला गासैखौबो समायनायै जि-जोमाव बिसोर
एरखांना लायो । बिसोर मैदेर, गान्दा, मुफुर, खासेव,
खारब्राइ बायदिफोरनि आगानफोरखौबो जियाव एरखांना
लायो । आरो बेफोरनिफ्रायनो मैदेर आफा, गान्दा आफा,
मुफुर आफा बायदि आगरफोरनि जोनोम जादों । बेनि
अनगायैबो दाउथु गद', फारौ मेगन फिसा, फारौ मेगन गेदेर
बायदि रोखोमनि दाउफोरजों सोमोन्दो गोनां आगर एरना
लानायखौ नुनो मोनो । बेफोरनि अनगायैबो बर'
आइजोफोरा खोदोम बिबार, थालिर बिबार, बैग्रि
बिबारफोरखौबो गोवसोरनि जि-जोमफोराव एरना लायो ।
बर' आइजोफोरा गावसोरनि गोरब्रोंसिन रोंगौथिखौ
दिन्थिबावनो हायो बे आगरफोरनि गेजेरजोंनो । बेबादिनो
बर' आइजोफोरनि गोरब्रों रोंगौथिनि सावगारिखौ
गोदोनिफ्रायनो नुबोगासिनो दं आरो इयुननि समफोरावबो
दि नुनो मोनगोन बेयो रोखा ।